

Paulo Nhoma A Eto So Abien A ጋkyerew Kōmaa Tesalonikafo

Nkyia

¹ Saa nhoma yi fi Paulo, Silas ne Timoteo nkyen,

Wode kōma Tesalonika asafo a woye Agya Onyankopon ne Awurade Yesu Kristo nkurɔfo no:

² Adom ne asomdwoe a efi Agya Onyankopon ne yen Awurade Yesu Kristo nka mo.

Aseda

³ Anuanom, ese se da biara yeda Onyankopon ase ma mo. Ese se yeye saa, efise mo gyidi ne ɔdo a modɔ afoforo no mu den ara na ereye. ⁴ Saa nti na yen ankasa yede mo hoahoa yen ho wɔ Onyankopon asafo ahorow mu no. Yede ɔtaa ne amanehunu a mokɔ so gyina ano no hoahoa yen ho.

⁵ Eyinom nyinaa di adanse se Onyankopon bu atentree; eno nti wobekan mo afra won a wobekɔ n'ahenni a morehu ho amane no mu. ⁶ Onyankopon beye nea ete. Won a wobema mo ahu amane no, ɔno nso bema wɔahu amane, ⁷ na wama mo a morehu amane no ne yen nso ahome. Saa asem yi besi wɔ bere a Awurade Yesu nam ogyaframa mu fi ɔsoro reba

a n'abɔfo atumfo ka ne ho no, ⁸ abɛtwe wɔn a wonnim Onyankopɔn na wontie yen Awurade Yesu Asempa no aso. ⁹ Wɔbɛkɔ daa ɔsɛɛ mu na wɔayi wɔn afi Awurade anim ne n'anuonyam mu, ¹⁰ da a ɔbɛma n'akyidifo ne n'asuafɔ ahyɛ no anuonyam no. Mo nso mobɛfra saa nkurɔfo no mu, efise moagye asem a yɛka kyerɛɛ mo no adi.

¹¹ Eyi nti na daa yɛbɔ mpae ma mo no. Yesrɛ Onyankopɔn sɛ ɔmma mo ntumi mmɔ ɔbra a eno nti ɔfrɛɛ mo no. Onnyina ne tumi so mma mo tumi, nye mo apɛde ne biribiara a mo gyidi bɛka akyerɛ mo sɛ monye no nyinaa. ¹² Yɛbɔ mpae sɛnea monam yen Nyankopɔn ne Awurade Yesu Kristo adom so bɛhyɛ Awurade Yesu din anuonyam wɔ mo mu na mo nso, wɔahyɛ mo anuonyam wɔ ne mu.

2

Nnɛma A Edi Kristo Ba Anim

¹ Nea ɛfa yen Awurade Yesu Kristo ba a ɔrɛbɛba ne boa a wɔbɛboaboa yen ano akɔka ne ho no ho no, mesrɛ mo anuanom, ² mommma mo adwene mu nnye mo nnaa sɛ da a Awurade reba no adu. Ebia na obi rehyɛ saa nkɔm no anaa obi foforo nso gyina so reka asem. Anaase nso wɔka se yen nhoma a yɛkyerɛwee no bi mu na saa asem no wɔ. ³ Mommma obiara nnaadaa mo saa wɔ ɔkwan yi so. Saa da no remma da, gye sɛ atuategw a etwa to no aba ama wɔada ɔbɔnefo no a ɔbɛkɔ daa ɔsɛɛ mu no adi. ⁴ ɔbɛsɔre atia biribiara a nnipa som na wobu no kronkron no; na ɔbɛkorɔn ne ho wɔ ne nyinaa so na wakɔtena

Onyankopɔn asɔredan mu na waka se ɔno ne Onyankopɔn.

⁵ Monkæ se bere a me ne mo wɔ hɔ no, na metaa ka eyinom nyinaa kyerɛ mo. ⁶ Na mprempren munim nea abɔ ne ba no asen no senea wɔbɛda no adi akyerɛ mo wɔ bere pa mu. ⁷ Ɔbɔnefo no di ne dwuma dedaw na nea ɛbɛba no remma da, gye se wɔayi nea okura ne mu no afi hɔ ansa. ⁸ Ɛno ansa na ɔbɔnefo no bɛba, na Awurade Yesu nam n'anom home so betu no agu, na ɔde ne ba a ɔbɛba no mu anuonyam asɛe no. ⁹ Ɔbɔnefo no nam ɔbonsam tumi so na ɛbɛba na wabeyɛ anwonwade ne nsɛnkyerenne, ¹⁰ na ɔnam bɔne so adaadaa wɔn a wɔbeyera no. Wɔbeyera, efise wɔannye nokware no anto mu, anno nokware no amma wɔannya nkwa. ¹¹ Eyi nti, Onyankopɔn resoma nnaadaa tumi ma akɔhyɛ wɔn mu ama wɔagye nsem a enye nokware no adi. ¹² Awiei no ara ne se wobebu wɔn a wonnye nokware no nni na wɔn ani gye bɔne ho no atɛn.

¹³ Anuanom, ɛɛ se bere biara yɛda Onyankopɔn ase ma mo a Awurade dɔ mo no. Efise ɛnam Honhom no tumi so na Onyankopɔn yii mo se nnipa a mudi kan a wobegye mo nkwa na wɔayɛ mo Onyankopɔn nkurɔfo kronkron wɔ mo gyidi a mowɔ wɔ nokware mu no mu. ¹⁴ Onyankopɔn nam Asempa no so frɛɛ mo senea mo ne Awurade Yesu Kristo bɛtena n'anuonyam no mu.

¹⁵ Enti anuanom, munnyina pintinn na monka mo ho mmata nokware a yɛkyerɛɛ mo wɔ asɛnka ne yen nhoma no mu no ho.

¹⁶ Yen Awurade Yesu Kristo no ankasa ne yen Agya Onyankopɔn a ɔɔɔ yen na ɔnam n'adom mu ahye yen daa nkuran ne anidaso pa no, ¹⁷ nkyekye mo werɛ, na ɔnhye mo den wɔ asem ne adwuma pa nyinaa mu.

3

Mommɔ Mpaɛ Mma Yen

¹ Anuanom, asem a etwa to ne sɛ mommɔ mpaɛ mma yen, sɛnea ɛbɛyɛ a Awurade asem bɛkɔ so atɛw ntem te sɛnea ɛyɛɛ wɔ mo mu no. ² Afei mommɔ mpaɛ mma yen, sɛnea ɛbɛyɛ a Onyankopɔn beyi yen afi abɔnefo ne nsemmedifo nsam. Efisɛ ɛnye nnipa nyinaa na wogyɛ asem no di. ³ Nanso Awurade yɛ ɔnokwafo. Ɔbɛhyɛ mo den na wagye mo afi ɔbɔnefo no nsam. ⁴ Awurade ama yen mo mu anidaso. Yɛwɔ anidaso sɛ moreyɛ na mɔbɛkɔ so ayɛ biribiara a yɛbɛkyɛrɛ mo sɛ monyɛ no. ⁵ Awurade nka mo ho na munnya ɔɔɔ koma sɛ Onyankopɔn, ne abodwokyɛrɛ sɛ Kristo.

Anihaw Ho Kɔkɔɔ

⁶ Anuanom, yɛhyɛ mo wɔ Awurade Yesu Kristo din mu sɛ, montwe mo ho mfi anuanom a wodi anihaw na wonni mmara a wɔahyɛ ama wɔn no so no ho. ⁷ Mo ankasa munim pefee sɛ, ɛsɛ sɛ moyɛ nea yɛyɛɛ no bi pɛpɛɛɛ. Bere a na yɛwɔ mo nkyɛn no, yɛanyɛ anihaw. ⁸ Obi ammoa yen a yɛantua onii no ka. Yɛyɛɛ adwuma denneennen. Awia ne anadwo nyinaa yɛyɛɛ adwuma sɛnea yɛremfa sikasɛm biara nhaw mo adwene. ⁹ Eyi nkyɛrɛ sɛ na yenni ho kwan sɛ yɛbisa mo biribi

de boa yen asetena. Yeyee saa de yee nhweso maa mo. ¹⁰ Yewo mo nkyen no, yeka kyeree mo se, “Obiara a ompɛ se oye adwuma no, ense se woma odidi.”

¹¹ Yeka saa asem yi, efise yete se mo mu bi ye anihawfo a wonye hwee se wonenam nkurofo nnwuma so. ¹² Yede Awurade Yesu Kristo din hye won, bo won koko se wommɔ obra pa na wonye adwuma mfa mmɔ won ho akonhama. ¹³ Anuanom munnnyae papaye da.

¹⁴ Obi wo ho a orentie nhoma a yeakerew abre mo yi mu nsem. Se muhu obi saa a, monhwe no yiye na montwe mo ho mfi ne ho na n’ani nwu. ¹⁵ Nanso mommfa saa onipa no se oye otamfo na mmom mommɔ no koko se mo nua.

¹⁶ Na ono asomdwoe Awurade no ara mma mo asomdwoe daa ade nyinaa mu. Awurade ne mo nyinaa ntena.

¹⁷ Me ara me Paulo, me nsa ano nkyerew a menam so rekyia mo ni. Saa okwan yi ara so na mefa kyerew nhoma.

¹⁸ Yen Awurade Yesu Kristo adom nka mo nyinaa.

**Biblica® Wonhia ɛho kwamma nhoma
Asante Twi Nkwa Asem™
Twi: Biblica® Wonhia ɛho kwamma nhoma Asante
Twi Nkwa Asem™ (Bible)**

copyright © 2020 Biblica, Inc.

Language: Asante Twi (Twi)

Dialect: Asante

Translation by: Biblica, Inc.

This work is made available under the Creative Commons Attribution-ShareAlike 4.0 International License (CC BY-SA). To view a copy of this license, visit <http://creativecommons.org/licenses/by-sa/4.0> or send a letter to Creative Commons, PO Box 1866, Mountain View, CA 94042, USA.

Biblica® is a trademark registered by Biblica, Inc., and use of the Biblica® trademark requires the written permission of Biblica, Inc. Under the terms of the CC BY-SA license, you may copy and redistribute this unmodified work as long as you keep the Biblica® trademark intact. If you modify a copy or translate this work, thereby creating a derivative work, you must remove the Biblica® trademark. On the derivative work, you must indicate what changes you have made and attribute the work as follows: “The original work by Biblica, Inc. is available for free at www.biblica.com and open.bible.”

Notice of copyright must appear on the title or copyright page of the work as follows:

Biblica® Open Asante Twi Contemporary Bible™

Copyright © 1996, 2020 by Biblica, Inc.

“Biblica” is a trademark registered in the United States Patent and Trademark Office by Biblica, Inc. Used with permission.

You must also make your derivative work available under the same license (CC BY-SA).

If you would like to notify Biblica, Inc. regarding your translation of this work, please contact us at <https://open.bible/contact-us>.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this

translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2021-06-30

PDF generated using Haiola and XeLaTeX on 21 Feb 2024 from source files dated 29 Jan 2022

14163569-3294-53ff-a970-30b3c0d1f237